

«Մեր ճանապարհը ուղեկցում էր սարսափելի ծեծով...»

«Մայիսի 8ի առաւօտեան ժամը 7ին ուսական զօրքը յարձակուեց գիւղի հեռուստաաշտարակի վրայ: ՄՕՀՁի կողմից դիմադրութիւն էր ցոյց տրուել, որի հետեւանձով մեր տղաներից մէկը զոհուել էր: Տանկի կրակոցով պայթեցրել էին պահակակէտը ու յետոյ մօտենալով, աւտոմատային կրակահերթ էին բաց թողել սպանուած մարդու վրայ: Այնուհետեւ զօրքը տանկով ու գրահամեֆենաներով ներխուժեց գիւղ: Սկսեցին կրակել աջ ու ձախ: Եթէ մըտած տները դատարկ էին գտնուում, կրակում էին իրերի, կահոյքի վրայ: Նրանք պատճառաբանում էին, թէ գրոհայինների հետեւից են եկել, թէ եւ ոչ ոք որեւէ դիմադրութիւն ցոյց չէր տալիս: Հնարաւոր չէր իմանալ, թէ գործողութիւնն ով էր ղեկավարում, որովհետեւ համազգեստների վրայ ուսադիրներ չկային, բացի դա, բոլոր զինուորականների դէմքերը մրտած, սեւացրած կամ գծերով էին պատած: Հաւաքեցին ու

իրենց հետ տարան 11 մարդու, այդ թւում գիւղի մի քանի ղեկավարների, ինչպէս նաեւ տարան ՄՕՀՁի տղաներին: Բայց սրանով չբաւականացան, այլ հետ եկան արդէն ժամը 15ին ու իրենց հետ տարան գիւղի մնացած բոլոր տղամարդկանց, որոնց թւում ծերունիների ու 2 հոգեկան հիւանդների: Կարծում են, պարզ պէտք է լինի, որ գրոհայինների մասին հորինուածը սոսկ պատրուակ էր, մանաւանդ որ, կրկնում են, ՄՕՀՁից բացի, գիւղում այլ զինուած մարդիկ չեն եղել: Երկրորդ անգամ տարուածների մէջ էի նաեւ ես: Մեզ տարան Կուրաթլու, հարցաքննեցին այնտեղ ադրբեջանցիք, ուր եւ անցկացրինք առաջին գիշերը: Յաջորդ օրը ուղղաթիռով զինուորականները տարան Շուշիի բերդ եւ յանձնեցին մեզ ադրբեջանցիներին: Ամբողջ մեր անցած ճանապարհը ուղեկցուել է սարսափելի ծեծով, որը Շուշիում շարունակել են արդէն ադրբե-

ջանցիք: Մեզ հարցաքննում էին թուրքերը, բայց մի անգամ ոչ թէ հարցաքննութեան, այլ աւելի շուտ գրոյցի տարան մի ուսու գընդապետի մօտ, որի հետ խօսակցութիւնից զխի ընկանք, որ նա այդտեղ էր գտնուում, որպէսզի թոյլ չտար մեզ սպանել: Իհարկէ, նրա մօտ թուրքերի վերաբերմունքից չէինք կարող բողոքել, որովհետեւ այդ դէպքում մեզ կը սպանէին: Շուշիի բերդում մեզ պահում էին խցերում 3-3 հոգով, ուրիշների հետ չէինք շփում, բայց ձայներից ու այլ նշաններից կարելի էր ենթադրել, որ ձերբակալուած հայեր շատ կային: Յունիսի Յին, 24 հոգիանոց մի խմբով մեզ բաց թողեցին, բայց բերդում մնացին շատ հայեր, ինչպէս եւ ՄՕՀՁի տղաները: Եկանք տեսանք գիւղը կայ, ժողովուրդը պիւնդ է, իսկ դա ամենակարեւորն է»:

Դժուար է ասել, թէ այս ամենը վաղը չի կրկնուելու եւ, ուստի, նպատակայարմար գտնուեց շուրհապարակել այս վկայութեան հեղինակի ով լինելը: